



天愚山人

詩文集

同郡後學陳勸題



光緒六年秋
靈蕤館校刊

今以多憂之人作多樂之語將韓化爲白其可乎曰可謂清新俊逸愈於沈抑頓挫欲凌屈宋而正位庾鮑其可乎曰不可其不可胡以辨也悲樂無定情因境而移其可者有易地皆然之趣或得力於問學或取洽於性情其未可者原各極天人之巧就前數子中不必兼焉者天愚氏既登仕籍負大用而未竟亦極悲樂之致矣書城以高擁泌水以盪胸於學問性情素所涵育然中有主而不爲境移悲非所悲樂非所樂也調刁同籟而與時俱化學問靡足恃情性難自安也是作詩者微意也故趣欲大合展轉索之而反離情無貴乎屢遷氣本行空句字求之而增礙詞無取其肆變天愚亦奚有韓白數子於胸臆矣今試覽

天愚山人詩集

序

一

所爲詩若見爲悲若見爲悲之無損於樂若以爲學問若以爲學問之卽融爲性情遂舉作詩之微意闡發而無餘又何限其情肆遷詞屢變矣夫子春秋之作有正詞者微詞者見聞異詞者非曰九變復貫也而詩以開春秋之先戒淫傷敦風雅興觀羣怨各極其致誰曰欲罷不能有未竭吾才之嘆惟是息版而修業舍端而隱身借以從吾所好乎君子慎詞猶切其餘之慮其謂作詩者與春秋同一意旨天愚或未敢以自況也昭陽友人李清題

詩以言志誦其詩可以知其志矣顧亦有幽憂隱痛不能自明漫託之風雲月露美人芳草以遣其無聊則既非其志之所存而工拙亦在文字之外後之人欲想見其爲人則得其么篇短韻相與傳而寶之洵乎誦其詩尤必論其世也陶淵明以晉室遺民感時悼往無所發舒偶託于菊與酒而逃焉今讀其詩雖故爲放曠閒適之詞而鬱塞不平之氣卒不能自掩顧尙論者或反以曠達目之何其謬歟天愚先生以崇禎丙子舉于鄉丁丑成進士出漳浦黃公之門累官南安司理明運旣移伏處海濱寄情詩酒者垂二十年蓋一歌一詠大抵皆排愁遣日之所爲非如世之詩人牽課摹仿月鍛歲鍊以求工者也嗚呼先生以有用之才不竟其志遭逢國難君臣師友之痛怒焉自傷不敢以告人于是逃情翹檠籬畔行吟聊託于淵明之後觀其所以自序其詩者以爲乘物以遊心託不得已以應世其亦可悲也已從來易姓之際上之攀龍髯而乘箕尾與日月爭光無論矣至于小臣軼士全身抱義于深山窮海之間何可勝數而國史無稱野乘莫載獨其生平所著述或殘編斷簡零落未盡猶可彷彿其生平如今所傳宋元之末有天地間集月泉吟社元音遺響之類是也是皆不必其詞之工而後之人咸知珍重而愛惜之况先生之詩其必傳于後復何疑乎余鄉巢孝廉鳴盛與先生丙子同榜國變後服故衣冠閉門墓舍者四十年而歿今其遺篇

雖在惜無有梓而傳之者喜先生之子若孫能知所以圖
不朽也乃序而歸之俾後之論世者有所考康熙丙戌二
月秀水年家子朱彝尊序

天愚山人詩集

序

三

天恩山人詩集目錄

卷一

樂府一百十九首

卷二

樂府一百十六首

卷三

古體詩五十七首

卷四

古體詩五十二首

卷五

今體詩二百三十二首

天恩山人詩集目錄

卷六

今體詩九十八首

卷七

今體詩一百首

卷八

今體詩一百一十一首

卷九

今體詩一百十首

卷十

今體詩一百五首

卷十一

今體詩一百二十首

卷十二

今體詩一百六十八首

天愚山人詩集

目錄

二



今體詩一百六十八首

今體詩一百六十八首

卷十二

天恩山人詩集卷一

鎮海謝泰宗時望著

八世孫駿德重校刊

古樂府

黃澤辭 古歌謠

黃澤馬歎玉既歎沙滅沒原在驪黃外尿舉一腳虎脊誇
周游萬里定厥家

黃澤馬善怒亦善武左足不如右足強望大就小筋力努
皇人御天受多祐

黃澤馬人眼更烏目蒲梢汗血友爲龍擎頭垂尾驂上服
四海爲家人民淑

黃澤馬非駟亦非馱墮地無毛標殊質丹邱腦色赤辰砂

天恩山人詩集

卷一

古樂府

六御飛天靖邇遐

獨秀先

光伎春容灼灼桃穠激楚之結蘭雲蒙茸

修態盛鬋要眇百轉非故拋家猶存半面

娉目宜笑綽約光耀聲激側身步搖若掉

薄鬢約黃翠翰連帶驚鴻游龍掉頭雲靄

鬢髮不髡天姝靚麗月蔽雪迴是鄭是衛

葛天歌

既曰無懷孰知其懷而乃羣聲之俱諧

發我素音抒我素心孰知天地自古以至於今

夢固居居覺自徐徐民相安於至德而牛亦不苦於耰鋤

白雲謠

英英白雲出自山陵來同天子萬福攸承何以承之文武
三層

白雲在天菅茅自露車馬逶迤遂我肯願羽觴載行春秋
幾度

採葛婦歌

昔者網繆今者倦下體無以葑菲薦終朝采葛不盈穿
君心匪石不可轉我儀棣棣豈容選新婚宴爾且自多白
頭不久如我歌試看鹿藿絺綌用淒其以風何能重攬之
絺之不忍看秋風未凜心已寒

大風歌

天恩山人詩集 卷一 古樂府 二
馬上詩書兮四海底定卿雲摩頂兮光華畢映天效順兮
閭闔開德心廣兮多士來故鄉何處兮四海爲家風乎風
乎非復睢水之上滎陽之洼拔木飄瓦以相加

秋風辭

木落兮山高桂槩兮蘭橈登臨兮懷遠汗漫兮遊遨驚旅
魂兮星河影動叫鳴雁兮幽閨先送班扇卽棄恩未捐張
萼味美思愈牽白露不知美人處回風高舉冷然御壯哉
帝京臨八荒天門俯視正微茫

穆天子謠

匪我遨遊而有諸夏沈沈爲君民胡以樂假爰借天休雨
澤是灑雖振策以東歸將與子期何有之鄉廣莫之野

越人歌

擘舟兮教士三千浩歌兮仰視蒼天中流兮振鼓殷闐樂
極兮私爲君憐含意未揚不與水湯湯新造家邦蒙詬恥
其奚傷吳有車馬越有餘皇

靈芝歌

元封德和休嘉駢羅甘泉異草靈芝朱柯玉莖紫筍九節
婆娑天呈珍秀地德護訶同良常之螢火開予心以靈瑣
比五德之芳香如車馬以騰驥爰告郊廟歌詠紫房大雪
而華若斗方剛聞學道三年不倦有金翅含芝以薦豈丹
靈吐光神仙來眷

雞鳴歌

天愚山人詩集

卷一

古樂府

三

玉雞鳴罷金雞鳴天上曉籌未五更晏暘方啟河影散榆
樹歷歷清氣旦爾時萬籟謹收藏獨有翰音開八荒蟠桃
枝上三千里喚起人間邯夢子秦關漏出知名客司州主
簿起舞拍舜跖微分此一關爲看鵠立侍臣班薨薨告我
以常度顛倒衣裳無失誤

挾瑟歌

鼓商歌振雅調唱歎遺音朱絃清廟湘靈天鈞雲和吹竅
烏咽隴頭水魚聽瓠巴妙花宛轉兮春風彈清夜兮曲終
廢一堂兮虛空廢一室兮後宮鳳凰舞兮德以通數峰青
兮山色瓏最苦夜月關山流水潺潺響泉寒玉別樣煙鬟
斯時境地偕心地俱絕不堪月意與人意並閒

交門歌

太乙來貺神祠興五時司命幽明登於枋於門若或凭偃
僂三讓祝史贊百末蘭生降地灌冥靈宴娛芬芳行敢謂
巫咸信來馨中孚石赤和平聽九旂飛龍駕雲駟放悲震
澹心容與顏茶華鐙嘉夜語意擬瑤堂共居處忽焉禮魂
玉瓚浮闐闐銜銜風雨收熙事告成誦神休

天馬歌

天無馬從何下越若來渥洼野腦色赤顏丹赭何以稱難
數寫馬碩德威儀飭目成人滅沒式安鞿馵人意識險易
均罔辭職馬多才風雲開蘭筋豎龍爲媒膝團趨閭闔迴
權奇精舉九垓馬之功非龔蟲籥浮雲善追風奮荆棘定
天愚山人詩集 卷一 古樂府 四

來雲往日

流光荏苒瞬不我延山樞隰榆飲酒萬年時命旣去孰爲
名傳

趙孟之偷朝不及夕仰睇流光雲日如迫吁嗟乎慎勿認
爲逆旅中客

雲條忽耶日居諸耶孰令其輪困變陰晴異耶又孰知其
相掩以爲用耶以不相用爲常用耶

李夫人歌

其形似其神非旣一望而可卽何相見之素希
夢耶寐耶擘睇於貽靈臺結耶向所見爲妄今所覲爲真

耶

天下無似之者固將蘇世而特立天下有似之者甯如是
近人而難入視其生氣呼不及吸咫尺千里重予欲邑

歌鳳凰

長安春日動農祥百二十五土膏香颯土順時開蕪荒三
耕一墾終千畝滿肯是戒陽氣洩灌莽無淫終善有經年
始事在東皋斗酒田家互答勞青旗朱紘奏雲璈原隰龍
鱗厚鞞舉下田盡汙上被處杏花萑葉耕穫序一聲金鳳
暮雲遮清隴冷風講桑麻

隴上歌

太乙三千征予侮顏高六鈞挽勁弩陣雲深入寶光寒轉

天恩山人詩集

卷一

古樂府

五

戰揮戈倦三鼓倦三鼓肯令隴水潺潺笑不武齊人伎擊
隆幽燕花門雄左輪朱啟豈敢避鋒蒙柴不卻以死奮戎
鳥託巢於葭人寄命於公靡旌摩壘倏刃靡躬

上陵鼓吹號歌

上陵何闐爽下津以徘徊執手勞問訊客從崑崙來上衣
芰荷製下裳芙蓉裁鞞垂蒼玉佩車駕紫駟騷洞陽之草
以五德金翅含來錫皇極九苞六象羽儀光飾一飛千仞
鴻鵠側匿曾不知霄漢之高風雲怒號星辰動勞曾落其
一毛阿香驂乘青霓爲御闢閭闔以聳身恣鴻冥而前去
飢餐蕊淵渴飲瓊池金掌仙人獻甘露以長滋願奉霞觴
飲延君千歲期

石流

泉乳窟石流津猗玕洞水磧粼入功德萬壽春遺之所思
日故人千里極遠道黃鵠比翼飛蒼昊一杯涓涓義所好
醴泉神漢玉壺春山深杳冥迷渡津飲此桃源有先民

翁雞

雍離趾中可築宮曰蕭與艾有飛蓬搖落不懼惟春風意
南意北非遠攻好借一枝護芳叢雍離趾中

上之回

上之回蕭關開六龍御單于臺威荒服走挺垓上之回回
中燒烽燧急繕招搖敦琢旅炊斗鏹咸劉定清會朝上之
回甘泉通張六師虎貔雄戎心戢大武功廟算勝蠹爾窮
天恩山人詩集 卷一 古樂府 六
上之回朝諸侯羽獵偃冠帶州會同繹萬福求

戰城南

干越驟旗轍蹂欲向城南行且往城北走旨酒一盛兮褐
夫守首山呼庚癸梁無麤不有馬革裹屍還朱輪左色殷
死綏恰吾分赤臭播秦關烏鳶何妒螻蟻何慕暴骨沙塲
月明魂訴忠臣兮名不得聞良臣兮一德違君幽閨人兮
夢勤無定河兮誰墳

巫山高

高高者山山可登深深者水水可凌惟彼懷人無迹可憑
後車載之輕重莫識方舟濟之淺深難測險阻山川心莫
甚焉馮高臨遠企予拳拳非青鳥之所如豈黃鵠之能蹇

芳樹

梁月暗復明，眾芳歇復生。園林豈無主，四時且代行。芝蘭不以無人，不香好鳥不以無花。不翔人意，自美庭樹發光。松青斯壽，桂實斯削。搖落不足悲，榮華甯自負。栽培十年前，秀實十年後。當其闕寂時，彌覺生意滋。

有所思

有所思，所思不可期。澍雨絕蒼穹，秋葉墮高枝。宛轉同心結，盡以供問遺。明月大珠鑲，乘垣望復關。復關不見涕，潺湲兄弟不知啞。其顏三歲爲婦，甘荼苦厭常喜。新人情妬，縱使故者難爲新。亦知新者終必故，我意如此君不定。是無奈浮沈無片紙，東流水絃上矢一去，那知幾千里。爾筮天愚山人詩集卷一古樂府七

爾卜空報言，寢廢餐忘欲，何俟

臨高臺

高臺何所望，江水碧沈沈。美人一方遣之，音天路沈寥難爲尋。烏棲月明失所處，黃鵠東來相與語。四海逍遙堪一舉，南國稻梁徒有黍。烏甯不食，祇自傷六翮。倦飛詘翱翔，安得蓬萊之柯，恣徜徉高臺一望增渺茫。

釣竿

避仇之士，隱忍避地名。姓可埋釣竿，不可棄俠骨。猶藏七尺且自昂，胡爲乎綠蓑青篛。混迹滄浪，思睚眦之必報。借綸餌以戢傲，雨雪江天誰爲問勞。吾思爲之綸，其繩桃花流水遠難憑。吾思爲之芒，其鈎烟波浩渺迴。自愁孰知予

心之悠悠

雉子斑

雉子斑文彩般愛深林飛入山不學鳳儀耀羽顏甯觸網
羅摧顏色摧顏色井不食身雖絕青雲意與黃鵠匿鷺鳩
笑何知蝸燕曾不識猶恨夫深林難窮入山未默

遠如期

分袂知何地驛東雙樹識浪迹沙鷗旅顏近應瘁不念
故山薇甯忘隴頭寄知子何心靜好瑟琴頭未白吟非無
盟尋松柏誰踐留滯周南胡爲不遣百尺轆轤井渴心塵
自耿楊花趁風颺落地知無影

又遠如期

天愚山人詩集

卷一

古樂府

八

遠如期效款詞服單于臣月氏文德修來無不思龍堆魚
海歸邊陲向不知陛下神靈孤憤幕庭今乃悉索敝賦輸
黃龍以聽珠玉皮幣係大漢所賜惟此心腹頭臂矢石赤
於勿貳惟茲臣庶代其子於治睠彼鴟鴞亦集泮林太平
太蒙執玉獻琛遙覩青雲于呂知聖人之大臨徑路撓酒
敢代南金率土內附陰山之陰其誰曷敢懷厥舍心

黃淡思歌

羊腸腹中路一日千迴步莫言黃淡思赤心已盡吐
荒荒白日征誰知黑地行且了今日債不願結來生
不將我心往那得卽身來我心刻刻往卽身何日來
萬里從征去甯惟鋒鏑慮願爾百君子相保以仁恕

誰教覓封侯難禁日月流朱顏容易改頭白已先愁

地驅樂歌

口瘡手荼只爲甯糊甯糊不暇豈爲未嫁理髮竈前亦已
三年

風雨飄搖鳥無安條家室違和人似哥鶯誰能憐此君心
甚邇

滕六綏綏霰集先知人意欲疲顏色詆詆君不其然良亦
自思

翟公枉署門婕妤空題扇一新一舊間交情何必見我非
效前人短句聊自遣

企踰歌

天愚山人詩集

卷一

古樂府

九

急怒繕招搖雲深戰鼓嘹誰教回首望黃花客路迢非不
重敵愾滅此須會朝

士馬本相依樂趨水草淺士鮮竟夜眠馬亦蹄重趼不知
戡定時馬作何官選

枕席露中草相依同伍好無錢結知交何能手足抱手足
亦甚親千里肯憐保

瑯琊王歌

瑯琊大道王春風紫駟韉金彈曲張弩驚起雙鴛鴦
恢台方啟夏赤胸層冰灑輓轡汲井寒蔗漿朝醒瀉
蟋蟀動秋鳴華鐙照五更歌聲鴻雁和八斗二參橫
雪氣布彤雲雕燎彝鼎焚鷺兒黃似酒未飲已先醺

如火復如茶花門日欲晡健兒舞修鍛將軍飲酪酥
萬里封侯骨棲遲坐馬羈昨宵鄉夢到何處是家園
笙吹曲五鳳旃帳嬌娃弄男兒肯忘家何地不成夢
買劍得豪曹秋水夜光高可憐晉鄭頭流水去滔滔
生妻下堦行靜聽琴瑟聲嘹亮雁來度秋風引愈明

捉搦歌

男兒意氣須及時結交君子須相知標梅三實誰能持吉
士其來卽謂之

春風楊柳織晴煙二八嬌娃向誰憐游冶街頭盤馬走簫
聲引動賣錫天

白馬金鞍何處遊相期關內卽封侯莫將腰下豪曹劍漫

天愚山人詩集

卷一

古樂府

十

向東風訴客愁

傷心不敢怨春陽壯遊豈爲戀他鄉千里程途生足下錦
衾雙繡巧鴛鴦

白鼻騮

白鼻騮揚鞭年少誇翩翩過夾斜

白鼻騮從征樂忘家搖落邱園花

白鼻騮遍地揚塵沙何處樂桑麻

白鼻騮春風桃李花人面得誰誇

折楊柳

桐花堪寄楊柳無情歸艸艸難期驛使傳聲紅亭分袂雙瓶
以傾登高旅望市橋新晴千里折贈關山月清通體柔弱

故人心攪腸斷歸鴻浮雲以征生涯蓬轉津塗旅驚春榮
秋瘁分物有常豎風流未盡兮衷情可示寒絮誰憐兮飛
花空墜

度關山 相和曲

雪滿蓬婆路山深古塞秋知津惟老馬折柳憶園邱繻棄
終何意筆投志豈休拂雲堆上草雁度叫春愁一自車馳
驟梅花隔年瘦嶺雲擁樹迷霜月穿衣透晝章奪兩儀夜
斗擊列宿鐵衣緣絕業菁阻探強寇如荼如火耀軍裝猛
獸歐瞻江水揚軍威薄言施撻伐邊城又盼紫駟韁塵沙
搏飯風含咽荆棘披鞍作下裳路鳥迹穴虎狼斬木除道
通羊腸偶焉成倦夢栩栩蝶故鄉醒來忽見金微月何處
天恩山人詩集 卷一 古樂府 十一

銀鈎掛屋梁

精列

上山採靡蕪下山逢故夫鳳凰摧羽翼騏驎病中途騏驎
病中途肯就轅下局促以自徂勿論叢桂留人翠竹碧梧
卞和枉三別待價可留沽待價可留沽躄林卧石樂江湖
甯須捷襖裂藍縷任馬牛以相呼白雲何定情周旋只有
吾三千九萬風與水狂飄激浪誰與扶

江南曲

江南採蓮女灼灼青軒姿修姱擬孟姜容冶過西施風光
一何好淪漪漲碧藻白羽江蓮搖紅膩望舒蚤一樣新妝
小姑笑香朱華綠女掩映由房何處遊冶貌奪張郎金鞍

玉勒嘶馬垂楊花貌郎心躊躇斷腸

雙桐生空井

平調曲

雙桐樹扶疎枝青陰蓋空井猶足鳳來儀君其覽德輝而
下之

雙桐樹曾井中應月生新葉含悽呼舊風光景去年同

雙桐樹紗窗掩睡起日朦朧春光須檢點數歸期時在萬

長歌行

在牀偃息乘日養龜茲枕上恣一往天門金闕星官朗蓬
瀛若士元圃賞試問境地爲誰開野情山心白雲堆誤髀
無任心死灰無爲笑巧近嬰孩安能戚戚憂用老但逢歡
伯愁帚掃何妨稼穡代食好是非不到耒鋤道試看飢驅
天愚山人詩集卷一古樂府
主

垂綸

燕歌行

望燕臺燕臺淨塵埃二百銅符將三千鐵騎材緊我征人
獨不回內整戈外禦侮三捷羽書變旗鼓安得長征怨祈
父瓜期準定碧桃鮮看看過雁秋月圓卜筮難定費金錢
傳說肘後黃金寵待得歸來牙纛擁妾身不嫁墓木拱

苦寒行

別樣一風光淒楚訴衷腸孤雁閒來往被底雙鴛鴦高樓
望斷黃花戍征人甲冷金鈔注偏是雪風天羔羊美玳筵
雕燎爇盡紅爐炭舟中指墮是何漢三腳烏凍斷無松花

帳裏松風呼

相逢行

人生難良會狹斜城樹東遠望樓疏周池臺佳氣蔥車馬
未停步先問誰家翁三揖厯階上主人傴僂躬一門稱鼎
貴兄弟五侯雄黃金白玉砌鳳胎羞掌熊連雲雕牆起上
駟盡青廳林木被錦繡戚里逼後宮官盛備任使珠璫奪
簾櫳如此相逢邯鄲夢中貴過衛霍富陋石崇更可喜者
折節好禮貌著心空班荆若故縞紵表裏似班尹之投分
笑張陳之凶終如此相逢邯鄲夢中

塘上行

鏡破難爲合貌衰難爲始同心非色歡無奈新人喜何必

天恩山人詩集

卷一

古樂府

三

青蠅營但見蛾眉毀世態固恆然君子未心徙試看江上
雙鴛鴦錦機五色美文章暫分烟鳥猶回首驚起寒塘亦
並翔鳥之不如我自可鳥之不如人何叵琴瑟在御靜且
和別調宮商音既左非關五指有差池總是人心乖舊時
長門多少離宮怨紈扇西風增所思

秋胡行

時命易安理數難爲規時命易安理數難爲規唐虞禪讓
湯武征誅十世猶間繼周可知馬上者定仁義堪施歌以
言之理數難爲規

遲沾待價著書非爲窮遲沾待價著書非爲窮華詞飾羽
羞比國工卽口成字枯竹生風叢殘玉屑他山借攻歌以

言之著書非爲窮

巢許徑情靖節何婉致巢許徑情靖節何婉致屬際維繫黃冠若寄甲子書年山中厯異東籬傲晚不飲心醉歌以言之靖節何婉致

八荒可遊方寸最難了八荒可遊方寸最難了仁存義誦讀書自小於止邱隅比翮鈍鳥無叱尙寐渾沌未曉歌以言之方寸最難了

隴西行 瑟調曲

何事從戎苦雍州西隴行摩雲嶺不度積石水中橫萬里金城隘九臯湟水清執殳寒指墮抽劍夜軍驚飲但冰餘冷衣惟鐵鎧輕枕戈隨玉帳荷鍤固長城轉戰蘇方襲追天愚山人詩集 卷一 古樂府 古

艷歌行

翩翩遊冶郎裘馬章臺路天夭桃李姿春風動紈素相見不相知秉蘭非所思舅姑坐堂上夫婿六轡馳六轡黃金輓萬里題橋客歸輿八寶裝機杼肯空擲燈花昨夜喜靈鵲東南指千騎洛陽回不遠亦甚邇百歲奉所歡一朝會面難大刀環在手喜慶溢彈冠彈冠男子事家人以爲媚

西門行

步出西門路躊躇何所顧荷鍤肯相隨杖頭無足數少不

歡老知誤北邙上誰家墓待得玉璫黃流行見秋風白頭
宜春若下妻子早謀趙孟干駟水萍浮漚地下埋憂天上
寄愁君猶繫我以皎皎之駒慎我以遐思之遊塗龜可曳
不學犧牛一介難妄萬鍾誰求

東門行

東門行向秦川紫駟馬八寶鞭騎從諸少年黃金結客江
湖賢傳食諸侯貴抵掌縱橫先勿論燕魏齊趙稽首聽命
去朝天去朝天朝爲田舍村夫暮代九重傳宣男兒行役
貂裘欲穿誰爲室家重流連男兒行役貂裘欲穿誰爲室
家重流連所志在功名勿復道棄捐

出東門馬傍徨驪歌唱增悲傷奚囊無半文儲還視塵金
天愚山人詩集 卷一 古樂府 五

煮黃當拔劍斬離緒君情何太剛向來泌水可樂今願與
君卧滄浪卧滄浪上用高堂老故下用雁序絕行宦海無
影汲深莫硬洪流滔天回首須猛且聽妾詞君但歸停驂
以思

滿歌行

眉鎖爲誰開當頭明月在手酒杯短籬秋菊寒歲冬梅百
年若寄去不復回達士知往愚夫競來青雲九萬遊瞬息
下滄洲事非我憂牽絲帝庭解龜浮邱六息遵養作老圃
長著書立言傲帚用享元亭書局虛室生朗赤水遺珠爰
得象罔豈曰孤賞揚州蓮社載酒談元漢陰息影赤水擎
船飢餐白石渴挹飛泉箕濮同懷洪崖比肩佩紉蘭芷室

滿蘅荃羊自忘羶豈無網羅冥冥何慕龜曳塗中牛辭廟
胙視彼朝賢如泥若塑衣冠摧藏塵冒土聖行炭十年誰
能弗惡欲潔其身律違大倫鼻息殊類覲顏貴人反羨園
秀天放遺民我實不慧衣被薜荔堯兄教民溟滓不弟淪
迹埋照泥塗棄隸靜能補病休老滅皆有人求我甕頭可
繼

門有車馬客

洞庭未歸客桃李正堪攀春草綠波色明月大刀環浮沈
雲外信鴻雁風霜陣忽聽花外聲麟麟萬里軻三揖入中
堂啟居彼一方周南何留滯吾足慎迷陽宦海波無底市
朝態百徙欲致兩字詞未有書一紙但聽道途聲旅情差
天愚山人詩集卷一 古樂府 六

蒲坂行

首陽薇蕨草蒲坂秦晉道春色柳條深行人歸不蚤望斷
太行山秋風落葉灣征鴻春有約雉子又成斑擬把相思
淚送君結珮璫只恐贈人多令我菲薄媿汾水何湯湯歸
期未可量只看壺口月今夜倍淒涼

煌煌京洛行

黍何離離稷何與與不見故宮乃見邱墟一解 溷澗悠悠
用我東周周公所營確有先謀二解 擇主惟臣功成潔身

留侯何早范蠡何貧三解伊闕大河中興可歌柔道治之

馬上孰多四解雙闕銅駝顏色未磨秋風荆棘傷如之何

五解剖心比干投湘屈子何臣非忠萬古一死六解帝秦

滅秦不韋何德賣主賣友儀秦何懸七解

怨歌行 楚調曲

楚楚明光綺裁爲合歡被不覆雙鴛鴦徒爛角枕美夏日
倦生涼冬夜寒欲徒知君他人心綢繆不在此綢繆不在
此別易見時難錦石流黃檮盟如秋月寒徒懷千里夢無
計到長安無計到長安曾憶並頭宿持酒奉連厄行棊戲
博六傷哉春日遲蓬首廢膏沐豈怨君心違我命實反覆

怨詩行

天愚山人詩集 卷一 古樂府 七

五運迭推移三元底甲子人皆鳥獸逃爾胡獨生此朝著
位不存生三艱一事大厦旣云亡燕雀何處死興言離黍
歌養晦待黃河不怨河不清只怨命如梭宏演納君肝屈
子投汨羅滔滔天下是誰與挽洪波偷眼視蒼昊維憂俱
用老下民靡子遺天亦傷懷抱毒豈必登年糞除竈上掃
我命旣如是乾坤任顛倒

東武吟

春花一何燦秋草一何枯時不我與甯汨世以自汙爲是
吟者豈箕子之奴

朝墟推不去暮積招不來人各有心非物情之弗才爲是
吟者固莊周所必哀

龍火得水熾人火得水滅種類各殊卽遭際亦俱別爲是
吟者亦伯夷所弗屑
冬日短固愁夏日長何倦人情罔足非畔卽是羨爲是吟
者未物役之能遣

白頭吟

我心是石或可轉我心是席或可卷無奈一與終身踐信
誓旦旦上天顯顯昔者舜華今日敝襦誤我琴心踐履斯
扁豈曰失身亦是士人見色卽與何處非春彼心曰故我
意猶新驅車出門去筍梁我自御我躬旣不閱毋發亦徒
語嗟彼行道人或冀代爲慮紈扇棄秋風亦必有所處調
停新故間正堪施仁恕飲人非醴醢殺人非刀鋸所以房
天愚山人詩集 卷一 百樂府 六

氏妻鳩酒甯跪飫

子夜歌 清商曲

谷風習習生桃天家室麗寵勉慶同心豈不稱夫壻
理髮事姑嫜相看雙鳳凰不承君子意傾國亦糟糠
團扇秋風棄恩情終未捐他心予忖度肯復見重憐
紅顏幾白頭白頭幾相守以昔宴爾心斯言眞足陋
荷花能解語妾更解君心花故面相似心誰無昔今
錦石擣流黃聲聲砧上訴聽不出哀腸知音良自晤
池上雙鴛鴦天生好羽翼人羨文彩多我愛心不忒
春風舞楊絮飄向薄情人只道花多態何曾反自身
愁絕五更月雁飛聲又來我懷無處訴爾叫爲誰哀

持杯奉君歡君歡先自解酒若肯爲媒春光尙可買

子夜四時歌

春歌

花檻迎春節天桃競物華秉簡遊女伴紅袖半羞遮不禁
狂風起倭墮髻欲斜
郎歡方百歲何日不陽春紫燕雙飛到黃鸝聲轉親不堪
聞隴笛花落坐成茵

春與人俱去春歸人未歸章臺樓畔柳處處染人衣折向
君身贈隴頭鴻雁稀

夏歌

蓮淨綠荷池筒杯碧玉鼓有風郎勸飲無風妾扇麾鑠石
天愚山人詩集卷一
古樂府
九
恢台苦郎心快自知

燕泥低入幕峰煖逐花香隱約穿人影參差過女牆問君
辛苦意終日爲誰忙
刺眼榴花明生涼槐蔭成榴開顏色好槐子聳層陰爭似
同心結相攜松下行

秋歌

牛女思雙雙鵲橋先架梁慙勸一夕會辛苦九秋霜何似
歡無已長年守洞房
良夜中秋美婆娑月正圓長生私自語馬嵬竟誰憐到此
紅顏好何如嫁執鞭
寒衣理未完雁信已來早風雨減流光默默藏懷抱君但

看黃花姿容還在老

冬歌

不耐雪風天肉屏我自前梅花紙帳白薰陸博鑪烟千里
相思夢今宵更儼然

星回紉窮次歡濃愁漸餒妾持松柏心君豈歲寒改履霜
卽堅冰非所語大海

梅放吐青蕾人貌與俱瘦郎歡終年娛豈無一滲漏願比
冰雪姿寒光借君覆

天愚山人詩集

卷一

古樂府

三

天愚山人詩集卷二

鎮海謝泰宗時望著

八世孫駿德重校刊

古樂府

子夜變歌

清商曲

郎來爛明星郎去風雨濺不信是春天陰晴倏忽變人意
豈其然郎心天自見

楊花滿路飛自愛風光好一朝著汗泥委在溝渠道何似
舊枝安省得閒煩惱

上聲歌

鶯轉花梢得意啼歌梁塵動彩雲齊上聲忽振哀絃響慘
入君心頭自低

天愚山人詩集

卷二

古樂府

一

九陌歌傳帶月流行雲響遏上聲幽千金難買鶯喉轉流
水高山相向愁

歡聞歌

絲竹何情人意濃歡聞怕聽上陽鐘知音莫道周郎少聽
入紗窗兒女喁

誰把鴟絃月下彈哀音漫引朔風寒多情惟有天邊雁竝
翅雲霄唱和歡

前溪歌

送君獨桑頭汲水前溪渡水方隨月盈渡人舟不顧恰遂
人心素

浩渺前溪水征人泛月槎支機紛可拾切莫戀他家他家

桃李花

石激水成聲松高蘿繫藤聲流川不息藤葉刈復與纏綿
心事應

團扇郎

白團扇皓魄遍流光仁風揚素面木葉落梧桐中情始一
變變雖不由人辛苦白團扇

白團扇斑竹湘筠裁紈綺五色綵歌風萬籟鳴冷落桃花
片豈是故相違遲遲又相見

碧玉歌

崑山片玉淨無瑕秋水爲神共一家借得裴航來問價元
霜擣盡月兒斜

天恩山人詩集

卷二

百樂府

二

讀曲歌

甯喫斷腸草不讀斷腸曲一讀遊子悲再讀少婦哭
歡聞子夜歌如癡亦如醉爲倩同歡者詳指曲中義

嬌女詩

神絃曲

嬌女青溪秀芙蓉水面光天媛倪素質白石粲衣裳十五
小姑偶絃歌樂永康

朝發蓬萊苑暮遊潮汐池紫芝雲母實甘露蔗漿飴白雪
歌新調丹山赤水瀾

樂舞共婆娑雲衣理薜蘿華年方二八琴瑟喜調和自繡
鴛鴦錦雙飛戲淺莎

湖就姑曲

赤山湖就頭青溪神女遊大姑荷作衣小姑自忘愁亦擅風流

湖就津無梁征車漸帷裳小姑盪淥水驚起雙鴛鴦合予意不忘

同生曲

奄息流光一瞬多為歡莫問夜如何請看邨上青青草日聽悲風蒿里歌

烏夜啼 西曲歌

東平有劉生年少大知名歌舞日相樂歡聞遍石城城烏啼不歇辛苦為誰征

可憐秦氏烏傷弓徹夜呼飛舉離桂樹徘徊石城連石城

天愚山人詩集 卷二 古樂府 三

諸年少不忘鏃矢斨

烏棲曲

仙墩樂奏鳳凰笙城上烏棲顧兔明二八雙珠年紀幼胭脂含吐香豈蕙

烟水江南道路長菱歌一曲春風香徘徊高閣空牀倚北

斗闌干銀漢徒

蹋歌女兒曾未識雙桃畫帶半面匿少年自擅遊冶場麾鞭頓忘紫駟韁

千金一刻春光好當壚調笑長安道無情兒女眼前花誰為郎君共保家

估客樂

估客東西南北行江湖子弟盡知名與郎曾否蒙相識一
紙書來特地迎

佳麗揚州大艫回明珠十斛土同堆如花不數傾城貌家
有糟糠舊潑醅

江南塞北幾迴旋裝橐三千值甚錢郎自初心歡百歲天
涯走盡任留連

莫愁歌

杜鵑枝上月愁絕正三更試聽石城歌呼郎洗耳迎
貌豈捧心容塵落停雲賞歡間歌莫愁聲從愁中蕩
妙解賞沈閨新聲變竹肉不從石城遊那得眉舒蹙
門前流水過年少織如梭萬里暫停檝六萌車脫軻

天愚山人詩集

卷二

古樂府

四

襄陽樂

容冶擅襄陽青春桃李香威儀棣棣選行人空斷腸
翻樂消滌誇相憐似一家君心蘭茝秉妾意菖蒲花
社日停鍼綫當壚數酒錢纖纖柔荑手屈指向誰憐

石城歌

絲竹內上人聲竽瑟吹浩唱清含徵秋葉下吐角春花生
昔聞韓娥馳名雍市今乃莫愁擅歌石城紅顏巧笑朱脣
轉鶯千金一曲九鳳鸞笙陽阿繼美北里震驚四上氣競
五音韻平白雪和寡陽春特鳴陌塵闕寂高秋月明結風
揚激楚皓樂賽鄭英女子豈足數人始知有石城之名

採桑渡

吳女喜盪舟採桑蘭漿浮金蠶絲爲繭桑老使人愁

女兒子

大槩小檝估客船兒女日起看青天青天望斷塵無烟爲
有今宵沽酒錢

杯珠

洛陽春色好桃李盡成家萑蒲原有花誰將顏色誇
芙蓉映沼池朱顏看及時莫待秋風老忘占五日期

長松標

大夫參天立古根盤虬龍若無兔絲纏誰知千丈松
風自枯鱗起雲從偃蓋飄栽培地下事天上已心招
磊落君子心任彼茯苓竊棟梁卽乏材曾冒千年雪

天愚山人詩集

卷二

古樂府

五

作蠶絲

力農夫作勤養蠶婦辛苦不堪竝時忙更值天風雨
羅襦愛君穿箔上蠶三眠織出靈池錦要君增手錢
絲吐蠶欲化顏衰人未謝若能念當時操作總不怕

龍笛曲 江南弄

滌蕩邪心止衆聲龍吟十弄和雲英君山占盡秋月明秋
月明人如玉湘水情斷腸曲

隴角聲聞心事幽胡牀三弄月登樓梅花落盡塞雲愁塞
雲愁山石裂江風來魚龍決

江南弄

小苑春晴百鳥來風光掩映傍妝臺高樓吹笛落塵埃落

塵埃山月上萬籟沈供元暢
草色如烟柳欲眠百花洲上畫龍船馬嘶芳草豔陽天豔
陽天上高樓有所思美人遊

朝雲曲

神女巫山杳冥中五色雲衣朝暮通一入黑甜路轉窮路
轉窮神爲御怕雞鳴天欲曙
雲本無心山川氣變見陰陽高唐彙山阿獨立來也未來
也未絕遺音感予心載淨沈

獨漉篇

舞曲

獨漉獨漉水深泥濁不堪洗耳羞此齷齪天下滔滔莫辨
卑高揚波掘泥日鼓風濤舟楫雖利江干是棄混混隈淫
天愚山人詩集卷二 古樂府 六
乘桴難至聖人事生地甯天清砥柱中流何處扶撐鷗鷺
唼喋慣逐波涉泥珠濺口煩壤兩頰高岡鳳凰棲食非常
縮足泥塗甯蹈滄浪時可乃見食豈擇肥泌之洋洋良足
樂飢非我潔身故避風塵濯纓濯足東海之濱

碣石篇

地本遼西北平之右滄溟浴日澗瀆昏晝有石特出圓頂
穹窿東巡載勒秦皇之功慕道求仙男女百船朱草紫芝
三山杳然繼之漢武登天橋柱慨然前勳東南地補只屯
碣石禹功疏流至今砥定魚龍夜秋泱泱大哉歌以暢志

傷歌行

雜曲

皎皎月中兔徘徊照我牀問我何獨處夫壻滯他鄉蓬首

難爲容三餐飽黃當汲井苦瘦短斧缺伐遠揚厨無粒赤
米堂上呼酒漿手口供拵茶豈敢言毀傷戶牖少遮蓋終
日伴雪霜薄命固難辭堂上何恓惶倚門靡所告反代陟
屺望母痛子行役妻爲夫養娘婦人男子事安得歲月長
萬金書久斷烽火報咸陽佳期期再世牛女永參商脈脈
兒女情何忍對姑嫜轉念興歎悲明朝忘絕糧

悲歌

飛高鳥自取倦離鄉人自喫賤花滿家園路無一片
欲駕殿無良欲飲舍無漿渴懷千里盼一夜九迴腸

飛龍篇

天門詆蕩清都回旋冷風忽御雷電駛鞭東皇召我攜手

天愚山人詩集

卷二

古樂府

七

重玄問道若士採芝偃佞爰駕飛龍虬螭連蜷葛陂杖化
延津劍聯升騰蒼昊闔闔開天玄穆旬始宮闕綿延求藥
玉兔恤寡嬋娟河漢足下豐隆馬前三珠樹老五花食鮮
披靡八駿凌厲九疋素女捧轡戈鉞拍肩三台光燭華蓋
雲駢南遊蓬島北顧飛泉度世忘歸焉知流連

行路難

山川有何險萬里高深加檢點陰晴無定期襍穢喻隨
所宜惟此人心勢利多朝雲暮雨起風波纔說不同猶似
面偏是同時未足羨

前緩聲歌

朝榮之菌必有不死之草所見未達徒憂用老自非智周

吾身安得明哲幾早當復思春生之蘭必有秋茂之菊時
各代乘彼此勿勞營逐鼯鼠飲河只滿腹願君求魚無魚
休緣木

自君之出矣

自君之出矣楊柳盡成陰思君如綰帶無日不同心

長干曲

雨花臺畔春色優明月長干天際頭欸乃數聲江水碧妾
身隨浪下揚州

三月楊花帶雨鮮秦淮亭下畫樓船高歌十里長干曲正
是遊人愁絕天

河中之水歌

天恩山人詩集

卷二

古樂府

八

河中之水溜且清董家妖嬈雪態盈繭眉遠燭承歌黛螭
首飛髻華桂英阿縞靚裝體自弱柔荑玉指慣調箏織練
巧奪天孫錦解拍霓裳月下聲脂粉不施冰魄面柳條時
帶步搖輕十五嫁作盧郎婦十六空幃盼戍征城東採桑
路不識陌上遊冶天帝驚羅敷何人金不顧莫愁行樂自
傾城河水隔斷牛女路遙望天星冷玉京

步虛辭

帝鄉何處是三素藹雲中登霞載營魄青冥駕雌虹竦身
凌碧霄排闥入紫蒙神丹捧柱女華蓋引芝童銀橋披素
練絳節朝蒼穹白虎青龍御三山五岳通逍遙無爲墟飄
忽閭苑風日月纂組襲上下蒼垠窮靈矯長烟隨遐舉天

籟空頃刻明霞館轉盼瑠璃宮不知身度世無翼羽翰翀
蜀道難 樂府雜擬歌曲

古益梁州郡東西川並流石牛丁自引蠶路棧空修劍閣
離堆出蟠龍噴霧秋魂銷九隴水雪暗七盤邛雨角天東
漏重關番族收馬牛風不及犄角猝難求八陣功艱就籌
邊空有樓石梁雲外度巫峽鬼神愁九折寒山阪橫分千
頃溝孤城赤甲冷塞草白鹽浮明月湖誰渡邛峽竹自抽
只看大峨眉影孤照落烏尤

長門怨

可憐明月照長門不下葳蕤靜掩闥南飛烏鵲徒遶樹自
擲紅顏誰負恩

天恩山人詩集

卷二

古樂府

九

御溝流水接天河天上雙星愁怎麼雖是一年還一度何
如孤影對嫦娥

梧桐白露漢宮秋銀燭金鑪相向愁腸斷裂統恩莫續夢
仍長樂輦同遊

側聽昭陽歌舞殘聲聲環佩下金鑿肯將統扇秋風意留
取今朝不盡歡

銅雀臺

西陵留得萬年春層觀高飛歌舞塵可惜只供天上樂巫
山雲雨竟何人

高掌金莖浥露滋生前華屋日遲遲層臺縱有秋波目也
要西陵人早知

臺下漳河何日清
凌雲銅雀幾時鳴
珠簾翠幌笙歌擁
只恐邯鄲夢未醒

銅雀妓

倚徙妝臺曉鏡新
何嘗地下慣隨人
樽前旨酒堪沈醉
臉上桃花不遇春

君王好色太風流
寶履分香爲解愁
一曲陽春接蒿里
林磁濁水共悠悠

凝睇高原松柏都
夜來有夢翠華呼
誰能留裙層臺上
免使羣姬愁鷓鴣

舊恩未報亦何心
新寵迎歡矢妙音
文錦纏頭色尙爛
知誰協律益千金

天恩山人詩集

卷二

古樂府

十

隴頭

轍轡岩堯六月寒
長流何自息征鞍
秦川遙指羊腸路
七日烏飛也自難

悲風隴上翦如刀
絕塞寒侵誰解袍
昨接故鄉書一紙
溫同挾纊飲春醪

隴阪長征客自歌
今年風雪去年多
堅冰好渡磻溪水
那見魚龍上碧波

九折經途空斷腸
誰家機杼織流黃
夢魂回首朦朧月
忘却秦關非故鄉

隴水

潺潺隴水咽
聲流關路東西動
客愁何用悲笳鳴
鼓角傷

心此處路悠悠

關河雁斷返無期觸目聞聲總易悲流水何心聲自喜行人只覺淚難持

塞馬聲嘶係北風水流痛咽各西東誰將兩地傷心事訴向征夫解鬱忡

雪圍沙磧草無春一水遙通五水津說與俗謠君未信斷腸到此果傷神

玉階怨

維昔不如金玉漏聽沈沈歲蕤鑰未下啼鳥靜庭陰當初且自愛歡娛竟誰再恨殺情太濃反覺今難逮何如不蒙知恩怨兩相夷鏡鸞羞對影謂我醉如癡

天恩山人詩集

卷二

古樂府

十二

惹得旁觀快紈扇秋風賣倚徒玉階行向月無言拜蛾眉命不長卽此北邙傍寄語新承寵長門賦預商

雞鳴高樹巔

蕩子何走誰無父母謂他人有家室自樂而琴瑟之違其耦今者犬吠雞鳴石壕不驚畜槃爾純農父無失其爲耕何爲棄鄉社率曠野無冬無夏白首拋捨想四牡不驕旅顏已憔悴論平生可要曾反思先疇之未凋

權歌行

吳兒鼓棹春風喜錦纜牙檣蕩香水笙歌樂奏唱聲和風起雲飛雪千里主人洗耳問佳音云是權歌披素心一曲未終山月小澄波浮動聽魚琴有時舟臥五更客四海江

湖汎家宅夢回一道靄靄聲襍被自攜辭旅逆尤喜漁翁
蓑笠回滿天風雪一帆開放歌帶楫中流駛不信灘頭有
釣臺豈知紫海播迴瀾六月征帆霜凜寒齊櫓千聲飛鷁
振來王六國報平安吾喜此歌音日上戈船列校飛帆槳
安得澄江閱無聲一掃鯨鯢收泱泱

紫驪馬

從軍淹戍紫驪馬絕塞雁門黃花野鶯沙坐飛羽檄徵連
棧玉勒汗流赭蒙茸飛陸梁走日月其除歲月久潤草塗
原肯惜身跡跣瘡黃倦風塵故紫非紫驪非驪枕戈待旦
稱殿騶飲至至無日揮戈戈未休但願燔魚剗蛇甯辭闈
怨邊愁

天愚山人詩集

卷二

古樂府

十一

出關

壯士長歌出漢關將軍明月寶弓彎安邊未遂侯封志莫
道秦川行路艱

玉門豈必擬生還星落旄頭指顧間秦嶺雲橫家莫問靈
鐘鳴鐫在天山

國士酬恩此一時牽衣莫作女兒悲隴頭不盡潺湲水爲
寫胸中塊壘辭

吳鉤生計在燕然肯說他鄉客可憐繻棄卽將乘傳返筆
投安事硯磨穿

入關

疆場何日罷金鑣釋負重來瞻斗杓善後許多難了事還

須面試謁雲霄

甘陳可作捷書回虎節朝天九萬培津吏望塵私竊語十
年前是棄繻才

飽喫蓬婆塞外塵今看岸柳始知春膚功本出帷謀策不
數貪天蟻蝨臣

簡書此日應無負亮節何心百世看盡道黑頭容易老臣
心自試頗知難

關山月

關山月圓不缺不照故鄉人偏照長征卒寒城遙裔故徘徊
徊桂海冰山來度越昨宵有夢到家鄉玉兔隨人入畫堂
轉盼浮雲掩華彩素娥依舊伴嚴裝長生擣藥爲何人干
天愚山人詩集

卷二

古樂府

三

里依依骨肉親倏爾東西斜漢過幾曾家信附關津徒老
紅顏鏡裏多相逢白雪委金波寒衣今夜催刀尺征婦征
夫兩地歌

梅花落

南枝未老北枝寒飄向銀牀玉虵看解道春風舊相識飛
飛又上碧闌干

密蕾藏春尙帶香壽陽宮裏喜新妝甯甘坐月苔痕冷肯
學東風柳絮狂

羅浮月色正黃昏雪魄冰魂靜掩門誰把春心閒自引隔
牆飛去伴金樽

雨雪

三月邊關寒未消，雪花如席散瓊瑤。露尖馬耳毛如蝟，封盡枯枝木介條。尋常浮白擁鑪呵，此日魂搖無定河。七屬鐵衣寒刺骨，九天朔氣聚蓬婆。只看鴻雁旅南歸，不禁旌旗尙北飛。凍殺紇干山上雀，長城何處問寒衣。非無挾纜三軍暖，側聽鳴笳懷清管。悲來維霰已先零，一望天山六出滿。

當爐曲

文園纔解墨龜綈，便作窮途旅况過。自是文人灑落甚，不因玩世効婆娑。

消渴常宜傍酒樓，擎杯况有好花浮。爐中春色原無限，不解王孫門內羞。

天恩山人詩集

卷二

古樂府

十四

大垂手

入破翻燕調，迴波折楚腰。蓮花風灑豔，楊柳露枝搖。龍欲登雲上，鸞孤勢遠飄。高垂雙臂玉，低喚董妖嬈。

小垂手

巾拂勢初張，小垂意未揚。羽釵迷渾脫，曼睇憶平陽。葉袖風難定，雲裾低乍昂。細腰承杯拌，如意合宮商。

上陽白髮人

天馬飛驄凡廐皆空，傾城當御國色咸。去廉隴不知裁孟，陳爲誰來漢宮三十春。春歸第一人。

戲擲金錢誰家月圓方鬪百草，忽愁人老長門綠鬢皤上陽白髮多。歌舞擅燕趙，君王無心召。

顧父歌

雜歌謠
民爲顧巖叟父母

河陽錦單父琴五日一和風十日一甘霖匪降自天顧復
是憐甯我私不及而大孺乎公田

南山誦冬日戴卷無游治民野無青草萊望杏敦耕荏苒
息驚不信中牟雉馴試聽萍鄉鼓更

太公橋謠

鄉人爲先司理公頌

沮洳澤中央岸洪潦汎行人斷孰造石梁成彼中行輿人
載德不顯其光太公之力萬年康

澗洋坂陽侯濱襪襪子渡無津疊石爲橋通利濟不誇地
帶垂天紳從教行者車馬逐耕者驅牛服紫虹千尺雲外
矗

天愚山人詩集

卷二

古樂府

五

西山歌

望西山歧路哭故宮墟社架屋避世牆東三竿日紅飢驅
而出有初鮮終意忘北山之可嘲徒煩干旄之在郊何處
閒由巢

望西山草木瘦鹿豕居水石漱只圖其聲誰信其誠見喜
而遷中道忽更自謂識務之俊傑已蹈馮婦之失節虛名
未可竊

西湖歌

西湖月伴誰明淒涼夢五更草竿折盡六橋柳馬鐙聲催
曉寺鶯黛色還疑醉何人爲解醒

西湖水說甚愁相思有盡頭擔風握月俱由你惹恨牽狂

彼一流不逢知已悅原是古荒邱

秋禊歌

爲喬文衣參軍

寥汝天高流火西羽觴波上五雲齊誰能不飲把頭低永
和人物幾留題回首我心稽

大海迴瀾紫氣雄尊鱸何戀自秋風清談徒灑新亭淚誰
挽波濤不復東相視語言窮

樵人歌

伐桂刈爲薪詎愁山虎猛一自國禁行竈口煬衣冷愁殺
買臣雪中影

臥聽丁丁響真堪爛斧柯舊林何處是只在此山阿我欲
從之風與波

天愚山人詩集

卷二

古樂府

六

天婚謠

燕歌趙舞美如花陋矣東南三村家家借此諧姻睦不
藉相攸通媒卜多少貧兒寡男女忽然車牽旅輦輻
三實標梅詞已哀猶須老奴玉鏡臺忽聞昭陽掄天倪不
待俟著雁親莫非偶卽因片言從漫說女爲悅已容

天愚山人詩集卷三

鎮海謝泰宗時望著

八世孫駿德重校刊

古體詩

閒居

棄冠蓋倦江湖忙多智閒多愚居鮮安食自糊筇固瘦貌
原癯嬾晝卧筆墨娛客往來酒可沽花開謝鳥任呼山不
近水潦汙蝸舍室魚蠹奴蓬蒿徑榆莢鋪瓢歷歷草膾膾
坐槁木睡高梧逍遙遊魂夢蘇植中樞周無隅

榴花

河源道安石移映綠水傍青池恢台啟長新枝明刺眼日
遲遲珊瑚映火齊披紅巾蹙綠鬢宜花妖豔粉胭脂銷翦
天愚山人詩集卷三古體詩一
碎霞布旗染白雲媚瓊姿春色動魯女知滿庭芳罕與追

驚聞張督部薦書

天清甯風雲掃未亡人恨不早東海濱西山老非避秦桃
花島代食何稼穡寶鋤誅何窗外草忽遙集下土造康瓠
才周鼎保稅傳革表裏槁千鈞弩鼯鼠討長者惠乖素抱
天祐翁君自道謝疊山投畀昊

懷石齋夫子

北斗星移宮牆懸望一步一趨杯治若喪汪汪千頃人莫
能量廚俊顧及宗工哲匠闡發朱程帝前莫讓正色立朝
旣執且亮桃李公門春風絳帳負劍辟咄玉融道上于役
程門再聆元暢器使前茅薦書三抗天方宏亂衮衣弓韞

破斧東征孰資兵餉天祥義盡枋得氣壯孤忠宇宙二儀
同狀箕尾朝天英靈保障及門增媿疎節會葬追思立雪
意營神愴

友人採花見遺

春風零落尚嫋餘香襄王錯夢宋玉隔牆

上林一枝廣寒護持不須羯鼓春檻自移

答陳美公太史

迷陽屈曲離黍吟哦覽茲京洛邈若山河何當天口好音
來歌花磚日影視草鸞坡珥彤載記太府金科優遊紫閣
下問烟蘿雙鯉加餐孤鶴山阿閑閑桑者適志菊莎金玉
不鄙引手軸邁出處殊致孰少孰多人各有懷非磷能磨
天愚山人詩集卷三 古體詩 二

短歌

日月猶昔高厚踟躕東山可遊何處著屐一解舍爾管形

挽彼強弓雖不得駕猶足守窮二解大冠若箕長劍陸離

何必維垣允稱大師三解一人三變虎鼠迭見柔肉則吞

強食不嘔四解竭澤焚林少儲無今誰能代斃與波俱沈

五解柔榆易忍尺幅易窘溺人必笑猶謂故哂六解

遙望落迦

孤絕彼岸大士化城阻人杯渡蓮花水橫

隔江可招咫尺靈鷲人自紅塵佛常白晝

白馬西來光流震旦任爾圓通已成河漢

鑑湖

念古情深亭亭夕陰風流賀監太白知音一曲湜沚千秋
共欽

禍水內訌男戎欲闕知幾其微流沙何恫身退不居請湖
以諷

湖波舊綠樹長新青舉世皆濁此水獨清寵利之徒視若
滄溟

秦復齋刺史過訪

剝啄門敲小院琅玕風動人面千秋意氣逼眞兩字寒溫
莫羨傲有黃花共盟歡無紅友亦戀相期役卒吳門未知
名姓可變

壽甯夏中丞黃四維門友

天恩山人詩集

卷三

古體詩

三

宮牆立雪彼時雲泥迴分中葉宏慈許我黃冠濟川資爾
舟楫大椿南極培根蟠桃東瀛露裏卽看漢唐二渠流澤
千秋甯帖

謁吉水蕭如城夫子影像得奉教諸世兄

衣冠瞻拜如新劍履辟咤成昨生三一事未能知二十誰
化鐸幸借過庭詩禮啟我迷途發藥儀型尙有老成千秋
永垂筆削

遙望白鶴山爲時逢弟埋玉處

白鶴駕白雲中歸來素衣雪皓在原鶴鶴空音茂陵封禪
遺橐形容變盡音存池塘夢回春草烟光樹杪夕陽一望
瓊臺瑤島

幕府疏功第一

五嶺饒菁阻裨海週崇巒綠林多嘯聚哀荆負嶠安逋逃
萬人藪外化卽三韓赫然王怒盛奮武中樞桓河魁太乙
將良家六郡攢監軍征南紀摺鉞肅鳴鞍岫分十八險盤
古最巘岬裹氍歷空冒軍實摻赤肝鳴鑄棠谿利員洞膽
先寒擒王已射馬僞王頭燾竿扼要斷地寸喙駭奔衆殘
勦無縱暴橫撫亦受屢歡版圖增新齒幅員九有觀紅巾
靖澤國白面生登壇憶昔采石戰睨言淮蔡難前箸樽俎
計功成裘帶寬廟廊先得寵師衆慶彈冠丈人非常舉舜
鼎已不刊貪天非己力覽疏重裘汗

邸報盡撤十三監內臣

天恩山人詩集

卷三

古體詩

四

六官分內外執事巨細判臣雖北門微古今關治亂灑掃
行役勤虎子侍巾盥勿與知詩書只堪奉几案鸞拳以諫
則巷伯遭讒竄指屈能幾人餘皆斗筲算清如呂彊操忠
若承業斷何當鹿爲馬不堪門生喚殷鑒宮鄰招鐵鉅金
虎歎國柄奮刑餘舉朝皆糜爛誰令隱相稱孰使軍容觀
天言奴口代緯象隻手幔執役各有存司禮文書悍易簡
君臣禮逼爾官府貫旣疎妾嬪繁豈必寺宦扞盡撤還有
司無庸大闢擯豈惟省冗員爲除中朝難

登陳山高頂

秦王鞭石至東海森嶕嶢地紀川途盡月徑車馬消雙江
夾黛壑赤嶠陳山繆高窞四明隱一望落迦迢對峙城百

雉盤互峰孤標金雞邈焉小蹲虎波上驕出郭不數武隔
江德山招振衣試登臨天風駕海潮林木靜以瑟山童澤
若焦雲霞衣袖裏帝座呼吸要搔首問青天周原野火燒
昔爲樂郊國今乃絕漁樵青草烟墟靜登高徒寂寥指點
來王處元龜竇貝遙戈船排列障怒濤沸金焦流覽悲風
起山靈不我邀

集林吏部家園

水鏡人倫表碧山家園求歸來三徑掃門對五柳休息徒
芝蘭圃寄情塵外遊琪樹秀中庭龍孫被丹邱曲宴分倚
徙塵筵多逗遛日暮悵忘歸娛心明月秋憶昔啟事煩行
役苦道周冠蓋傾西園對酒非其儔緬想解龜興登霞抒
天愚山人詩集卷三 古體詩 五

積憂遠寄正及晨寫棕林竹幽攀林石可企坐月且登樓
不圖今日樂益思前此愁佳人誰獨立良會難屢謀烏舉
忘魚躍山靜自水流衍怡簪笏解談笑往事浮蛙吹卽筆
奏折枝數酒籌吾黨風流侈安知花外騶

張章友孝廉見枉園亭畱酌不果

三徑任荒蕪松菊要至契風雨不敢扃綠苔盈階砌剝啄
扣柴門黃鳥好音惠班荆道古歡淡交縞帶締千里慶同
人十朋龜錫幣珪璋表丰姿聞望風月霽乍見夢豈真忘
言一往詣塵揮奮名理膝促還兄弟張陳何款款禽尙自
援繫翦燭向西窗冒雨韭堪薙初非安邑賓遽爾嗟來睨
梨花白雪春惡草等棄滯陶母能留客茅容手自製我無

一飯緣誰爲東道計未伸投轄詞虛挹浮邱袂知君孤潔
人在我敦古制

食烏筍有懷杜言師

春雷萬卉起烟籜怒噴吮淇水正悠悠淇園竹萬竿駢頭
玉嬰兒錦綉頭正端黃梁炊作飯香積爲加餐食罷增躑
躑懷人心未安靈鷲老者宿疎傲同懶殘法喜禪悅食玉
版參禪壇語帶烟霞氣味多蔬筍觀胸中渭千畝孤篠一
枝難獨少白衣送遙思菹實酸宰相三月會段干一味看
景分總一致名高三百團爲問盧敖谷何如汶陽寬怪得
君詩多森森束筍攢

家僉憲公有梅花百咏惜未之見

天愚山人詩集

卷三

古體詩

六

古鏡十年成瀟湘一夕賦豈特下水船上水不能趨吾祖
宗衮才化工手內鑄梅嶺雪消春羅浮夢裏度窗前一枝
橫池影胸無數香從十指生花自三杯吐操觚手八又韻
成梅百句何遜揚州來林逋孤山赴冰魂吹蘭馨玉骨淡
烟霧一幅雪濤箋滿園寒月聚北渚笛風悲南枝江城暮
歷歲飽霜華根移人已故莫追廣平詞誰知官閣路祖孫
一氣連魂夢寒枝付想像得意時花神四體布安得隨筆
揮遺篇宛如素

渡梅墟白沙桃花諸江

問渡三江口流駛如峻陡沒人慣乘風馬快驂驅走側坐
無甯席羣呼面色忸扳檣魂蕩搖陽侯遭陽九舟人方大

呼天颺啟北牖邪許張巨帆培風恐弗厚折梅勞勞亭魚
梁掛曲筍沙白見銀青蓑笠耕隴畝江山入畫圖一目覽
諸有浪平忘浮家牀竈志和友須臾樓櫓過桃花紅在手
釣翁攜雙鯉提壺來問酒同作風波人雪霜歲寒守餘皇
滿汀渚烟橫截水留咫尺卽滄洲何處稱不朽散人樂江
湖風月閒挑負藉茲汗漫遊暫爾閒聚首斜雨灑篷窗勿
嫌語話久

月湖眺望謁賀監祠

風流逸老宅千秋頑懦師飲酒濟甯市知人太白奇解韜
豈初志保身明哲維宮中生禍水闕外闕熊羆黃冠無賴
計流沙野服宜一曲鏡湖渺淪漪漾清池朝夕借枕漱高
天愚山人詩集卷三 古體詩 七
風振羽儀景行起後賢拜瞻煥棟榱柏麝芬中庭花鳥奏
四時簫鼓中流競長橋飛虹垂非但魂魄樂亦堪齊賢思
所以歲寒朋不爲春華移潔己非亂倫心理千載知我來
重徘徊河千伐檀遺稼穡甯云寶濯足好深瀾不堪飲馬
窟反增清流悲

酬年友衛文石相公

金玉天上至遐心不我勞古誼隆先施若增我貢高非謂
春無雁千鈞嬾舉毫司馬奮國柄純仁門扃牢柏豈寒歲
傲爵尊第自豪餓彪甘不食誰爲落一毛山徑鳥道斷矮
屋長蓬蒿春水一宵漲魚素順流滔兩字加餐飯對面謁
旌旄慎爾自優遊溫語重綈袍羅網四面設若欲繫長縲

捧書勤百拜如苗陰雨膏雲林沐浴蕩恩推厚載叨塗甌
堪曳尾人犧卽遠逃顏闔是何輩干木實吾曹遙寄卽空
詞鮑肆觸腥臊伐國問仁人羞裘羊狐切丸泥塞咸關痛
飲讀離騷

賦得滄浪夢

智者動不息清意資沱漻江湖息眞影馬蹄絕塵囂長流
被惠風濠梁期心招疎林月影淡龜茲枕路遙蘧然栩栩
蝶身世任萍漂置我輞川遊濯足滄浪椒漱枕良自愛風
聲歷歷瓢文章耀睢煥澄清見斗杓宛在天一方百川縱
所邀激灑流霞杯吞吐病渴消爽然豁心目據梧几尙翹
非因亦非想胡爲波上飄觀瀾素無術蕩漿采蓮撓心目
天愚山人詩集 卷三 古體詩 八
旣不到秋水篇是要境幻恍如覺意得天吳搖醒時何處
宿蘆花淺水潮

再候昭陽心水李夫子

夫子高門貴家學淵源符絲綸原世掌蘭臺金紫紆曲江
探花使繡衣先聲呼肺石冤闕鳴庭草綠含敷陽秋綸藻
鏡誤落點頭朱藥籠行冲備浮搜乃見需卽墨日以毀彭
澤腰欲徂遙企程門雪青瑣委泥塗師弟虬歟命郊園晚
沐娛三光奪耀魄兩地鴻雁遺昂首鳴西風白下美蓴鱸
廣陵三月濤瓊花放萼柎不遠仲舒宅著書文選都韋編
逸史絕直道董狐扶不朽豎三難何如露草枯松菊聊寄
傲濁醪自滿壺肯憶舊遊地猶有阿蒙吳

對越姪攜樽過訪

迨暇飲我醕杯竿手自洗翦韭三寸長春盤籩豆踐何來
刺啄聲款門驚眠犬呼童敢柴荆白面素相善蘭玉植階
前奇樹中庭選具陳何所爲酒食先生膳倦屐東山回渴
消卧輒轉闌干芍藥香春風花下翦日月杯中舒觴詠聊
借遣爲惜筋力勞過從煩戶鍵素守淡家風敢將肥脂鬻
陳饋只四簋用告芹不腆况列諸父行宴坐解衣冕陶然
進經程不覺放沈湎安絃琴不調分賦韻莫辨學舞白題
斜舍遷亂髮辦飲此難老酒後生令德顯

望燕不來

知時鷓鴣鳥春風重徘徊飛翔莫爰集止隅何所隈主人

天愚山人詩集

卷三

古體詩

九

屈指數期當祀郊禘社酒已洽龔飛花盡落梅司分元鳥
降不用藉良媒一年邀一顧雕梁泥幾堆誰意期虛度餅
罄恥故疊尋常天女下航海烏衣猜或疑螿未振今已聞
夏雷吳越總一家聲音未遽灰思吞有簡狄繫足紹蘭裁
簾幕原無恙呢喃聲不回玉京事已去張說夢猶催大厦
誰家賀蒺藜無有災何事紅樓信楊柳冷章臺白燕三十
年茅山振羽毳亦聞婦道嬾銜泥輟風培汝亦豈其然還
嫌貧不來

莊漢曉年友閉關

料峭問春寒怡情恣偃仰金谷草無主蘭亭空想像主人
善遊客經年遵晦養江湖歸倦翻林壑共元賞平泉韻旣

流輞川景亦朗素衣塵不滓牽世脫時網傲節共寒花披
雪擁鶴蹙望雲高鳥翔臨流游魚蕩衡門體不紆巖石居
益廣雲霄勝賓多太虛選客長我來極宣遊修竹清泉享
一自伏枕違登霞鮮徒黨五柳門自扃桃源人絕響世事
山心疎風月野情茫靈臺孰莫求無妄觀鞅掌紅樹四時
香黃鶯聲獨往明月照高樓清風爲誰爽

賦得天橫醉後參偕諸昆季夜集

良夜月團圓家人共倚徙芻樓玉笛寒西園花事綺哨壺
共手譚爾能奏餘技春風詠浴沂解帶煩苛褫日暮悵忘
歸留連魚鳥委芝蘭聚一堂江左風流擬畫卜塵外軫闌
夕語未已閒沈玉漏微坐看參星起天亦愛遊人風光永
天愚山人詩集 卷三 古體詩 十

夕喜華燈爛餘輝鴛鴦長筵几款睇是何辰驚觀榆樹紫
醉目豁朦朧烏啼紅杏裏日黃朝霞披河漢淡欲倚四顧
悄人聲元賞莫逆視爲問零露濡何如消渴美

邑乘久湮

盛世徵文獻彝訓藉縹緗代湮魚魯混時弊亥豕亡山川
迴氣勢風俗間休殃屢變詢齊魯微詞備廟廊中原誌人
物東南列域疆左氏經翊傳司馬年表詳義取大事記彰
瘡春秋良秦置句章地五代望海揚咽喉通兩浙來享貢
六王開國狀頭出渡海宋帝航衣冠稱萃止遮育樂農桑
應征輸給馬探風俗小康載筆張司馬人琴百世光中更
歷年所古今殊典章逢茲玉步改文武互弛張因革不同

時書詞費酌量披圖皆太古按言實可商安得燕許手名山識不忘

酬蔣畹仙年友

紅顏不自持景光容易瞥荏苒廿年過鴻雁秋風絕松柏
歲同心無勞罄筆舌兩地易皆然一片懷人熱憶昔五嶺
遊珠江同舟繼負劍辟咄從玉塵揮瓊屑發藥叩元關支
策扶庸劣三山復執鞭二天縈袍結中心貺彌勤豈期玉
步跌先後賦歸來未亡人共啞艱難已備嘗荆棘耐齒嚙
子陵好閉關仲蔚杜門決著書寫窮愁縱飲非壞節魚淵
不厭深溝斷青黃滅雙字惠加餐平生久要說飲人干日
醕棹回山陰雪魂搖五色箋金玉勿終竭

天息山人詩集

卷三

古體詩

十一

明山篇

明山高不極一萬八千丈石窗四面開天風海濤漾峰磴
暗盤紆露壑林薄障金峩拱兒孫赤堇渺小狀朱草四時
芳石筍參天向東西鄞姚入直衢雪竇上圍寬三百里列
峰莫計量道書九洞天丹山赤水壯日月互縈迴風雲布
帷帳無奈龍蛇生遂作遁逃藏大浸沸稽天虎狼深山抗
師武破斧斨四境民皆喪玉石共遭焚溪巒移舊嚮誰從
四明遊東山絕和唱

過花街

字品六書通總形八體就蛾以出繭縈鶴似聞琴瘦倒薤
參差生懸鉞長短究不謂毫楮微百年吐靈秀隸自程邈

傳草因杜操授伯英工夫多元常天然湊兼撮羣品長無
出羲之右諸書價琳瑯蘭亭字錦繡隔世聲彌高唐帝干
金購席珍辨才藏誰知蕭翼漏襲取半途間歡喜展卷讀
巧奪化工奇花開四時茂不煩羯鼓催便聞鳥聲奏至今
一屨氓呼作金谷園我憩東山遊香氣馥滿袖何來百和
聞更疑鬱金鬣徘徊且停車領取香豈蕊亟回學臨池芬
芳千年透

王氏園看芍藥

江左饒遺風廣陵多佳草牡丹王已開芍藥來競寶花福
盛洛陽春風海國蚤清和景色舒園林展懷抱看竹主人
多對酒花容皓當階紅欲翻傍砌綠難掃金鼎醬調和玉
天愚山人詩集 卷三 古體詩 三

盤盂覆腦東武舊俗看南禪新論討放春原有約啟夏花
正好置身九仙宮閃爍三逕道南國遲美人黃腰卜元老
錦爛色不如桃天容比稿步引樂天吟賞擅元稹造已道
娛心同誰云將離藻坐對銀鉤簾不知在瓊島

寄潮陽洪生夢棟李生楨

遠途饒蔑想桂嶺望越甌鴻雁三春少魚書十載浮腳迹
媿局促莊荒甯足憂惟是桃李樹零落向深秋灼灼青軒
女孤帷角枕求羽儀鍛高雲迅翮摧狂飈靡蕪巖下詠茆
苜歌未休李子金門謁洪生青瑣優東海賓欲老西山草
不留六息爲有待偶影顧誰酬棲遲玉窖溪徘徊百花洲
白雲邱壑裏泥蟠鳳水湫顧子松菊性反褐六月裘野情

山心僻懷人金城州非曰望彈冠實藉兩心抽安得共南山著屐聯好逑把袂天一方溯洄從之遊

題眉州磨鍼溪

眉山月半稜玻璃江一勺芙蓉夾岸飛桃源水未落中有磨鍼溪象耳山下壑詢名所從來太白如可作憶維青山雄人文地靈鑿蔚起讀書臺謫仙耽邱索半途業方修曠言厭寂寞洗足濯溪流逢媪鐵杵削驚問欲何爲繡鍼是謀度不斷乃功夫緝熙稱純學良工別利器志堅思苦拓一言感悟微美疾借良藥回首斷機功溪名因是著白本神仙姿經史咸糟粕有激磨鍼嫗顛爾精氣躍况我款啟徒敢不前修託念茲溪名佳山川秉化輝

天愚山人詩集

卷三

古體詩

三

爲馬家牡丹主人賦

花發去年枝人重今宵想風姨常護欄東君漫悒悒虛疑造化違遽傳失初像非緣萬狀絕主人愛獨享富貴玉樓春國色朝酣賞池開興慶前瑪瑙盤特朗昔人姚魏稱今推馬氏長常年連袂遊風雨期或爽爲問花關主擬將詩句往猶恨春色遲桃李笑徒莽徘徊未得看色香卽云盪旣歎時不遇追憶前言罔或者正當時傳言非不讜胡爲黃紫容變態難摹倣時處荆棘間花神不自掌漏洩在春先豈但鹿銜槍支離語未常賞花心逾穢

蓮花洋

孤島落迦懸天風帆一幅波濤萬里茫樓船隨風宿東西

朝夕流一水橫其腹詢之長年老此海稱神屋大士顯靈
奇荷渠頃刻簇昔有不信心浮家邀慈福靈山會已慳發
願利慾逐半途正駛流蓮花迷去舳晦水十里深藕絲何
處育驚眼朵朵新芳豔奪人目分明座上花比作水中族
龍女欲折簪鮫人收帕哭回向十地慈古今勝事馥慈悲
眞無量曷不連舟覆示以出泥姿太華井同郁洄漪探蓮
舟風光異平陸

煮酒

甕頭玉薤香四座稱歡伯飲人似陽和不言聯莫逆誰知
種秫勤更推釀有格五方風土殊狂飲耐爲醲安得九醞
精女蕊百和澤歲月既經久香味乃不減熊白生酒良豬
天愚山人詩集 卷三 古體詩 十四
紅煮酒赤二者雖並行歷時方有益非故樂勤渠實饒知
味客五齊水火備三酒芬芳憚金盤露易承椒花兩難積
谷口凍八風丑未傷多液歸美洞庭春養宮大成斥我今
亦何求醕酌聊取適梨花已及時蒲桃不須擇李白三百
杯新豐十千易郛筒無庸沽暫分吏部席

讀菊潭胡夫子書有健羨冥鴻之句

簷前靈鷲暄五雲下飛詔長跪素書讀夫子發藥妙秉鈞
調元化侍坐賁光耀揆務告殷煩懸情樵與釣嗟我白雲
人紫垣蒙遠眺若謂四方維不復一室嘯斯言豈其然無
乃借歡曠洩淳備藥籠諸生最不肖牽絲卽解龜德業一
無劬昂首向西風報圖萍水漂南山邀景暉北海資談笑

遙企三台尊義和與火燭論道卽云逸八十年非少遠方
盡來歸鄉思旦夕召巾褐反初服千里荷同調健羨爲胡
來夫子寫心照儻令巢許知頭已雲將掉

陳鴻賓過訪

德山隔江招夢裏存餘想懷人一方天風動竹聲響金玉
無遐音飢渴慰深仰山陰雪棹回順風駛帆槩本屬連袂
交山川阻一往相見日無幾虛有展五兩筋骨豈言勞世
塵憚執掌野情山水心孤雲恣逸蕩偶來汗漫遊無錢掛
几杖乘興到元亭看竹孫枝長開口笑有期揮塵氣慨慷
擊壺歌伏櫪壯思風雲潏憶昔星椒社禽尙結元賞窮經
白首年金門踈阻上泌水快遯思熊卜空想像箕頰有餘
天愚山人詩集 卷三 古體詩 五
妍濠梁六息養舊雨日日來陋室借開朗

題江上晚眺圖

披圖澤國吟胸中增浩汗罷釣一回頭不知身是岸筆駕
風雲空人樂江湖散點染有餘姿置身在河漢忽動滄洲
趣豈但泌洋看多少塵鞅客馬蹄奔日旰茅店聽鐘聲暮
烟繞縈絆試一觸目過勞攘爲減半亦有巖廊士宦海苦
無畔把筆詠新題臨流興長歎安得一往遊乘風萬里瀾
盡日烟波中浮鷗冥呼喚生計在漁樵竟忘圖可按罾艇
一帆懸雁聲明月斷蘆花火欲紅蓑笠江天漫作者本無
心隨意任泮渙閒看晚眺人朝川同遊玩

謝葛欽哉惠菊本

有松開小徑無地廣苑圍爲支東籬斜開看落蔭秀零落
風雪餘黃花開未瘦知音互欣賞攬光羣輻輳分名古已
繁別類今更茂譜種異風俗土宜辨時候所有易所無三
逕無偏漏愈疾貴南陽延年鄜谷真生雖不同根氣味或
遷就茂草窗外長室成君子陋對菊恨無酒何心靈根懋
西風嫁美枝目精園林富生養易嚮方天工人力究金玉
錢預求滄洲趣益逗不憂嚴霜厲只恐烈日驟相期一片
心無負工培耨

收芥菜

四明有芥菜未入元修齒經冬霜雪新涉春雨露喜觸鼻
芬芳聞知味香馥美蔓菁誇五行菘韭亦甘旨取用一時

天恩山人詩集

卷三

古體詩

六

鮮歷久良足侈靈根美厥多藏宿任倚徒隱之厲清操信
民百事委天苗鼎俎徒三十品充匕未知如齋甘風味得
相似八口代嘉餐千里經年紀入畫山谷題得夢蔡齊始
大夫知免鄙百姓色堪恥空勞不食心生意未足疑有爵
利不奪無官園圃恃誅鋤幾風霜飽飫數食指爾殺菰蓴
馨爾酒宜春醞

立夏日偕鴻賓暨諸弟過何氏園亭

春歸留不住恢台氣尙清熾日歛初景靈扇播餘情樹杪
夕陽隱疎林霞景生玉友成神契金昆奏嬰鳴青雲汎濫
遊乘日擔躡征不遠輟騰駕連袂修素盟舊遊喜常羊瑤
圃息塵櫻元亭聞剝啄相見夙知名清泉蔭修竹花外嚙

黃鶯雙柑樹上少斗酒油囊輕花容開笑口香氣弄新晴
藉蘭聯密坐倚柳自裸程魚鳥重留連林石發清聲遠託
興良思馬蹄笑徒營剪燭話闌夕持杯嗤空榮竟作日涉
趣主人不我爭

慰張又陶范聖木

聖世良才棄時違豈爾九騏驥騰千里歎皋契自投龍門
險山川燒尾決去留空林常得鶴畫梁胡有鶯時命非所
論蘭菊不同秋素書赤松裕甲兵老范優一禽慚詭遇三
別宵足愁劉賈紅勒帛易名以幾收蘇子黑貂敝六國迎
道周敝帚千金享黃流玉瓚浮二子藐功名次第絳灌羞
掩彩同文雉轅輒摧驂靡莠絲同所採棟梁捐斷溝汀瀆
天恩山人詩集 卷三 古體詩 七
涸隱鱗蓬階鳳凰遊連袂詠蕪蕪雉膏甯食謀還魂慚廖
復眊眊一醉休不愁顏駟老芙蓉鏡已鏤

贈胡道南巡鹺兩淮

簡書九天辭澄清八使命輪埋豺狼寒海王鹽筴正周官
共百事形散賓祭敬夷吾禁聚庸山海榷盡請牢盆漢官
給利權民共競宋置折中倉召商輸粟平後世踵法行開
中商民併兩淮兩京間國課司巨柄竈丁場地優差徭雜
盡屏課僅十萬引增多後世病鈔法既不行餘鹽道路梗
常股守支難存積越次令葉淇改折色進納乖大政復許
場買補私鹽弊益盛窮竈室家逃奸人勢日橫黃巢揭竿
呼士誠崔苻勁君今操國計劉晏風流映古法若爲遵公

私稱交慶

九日

秋氣淨無染天高不可呼東坡上已看魏文應陽數鳴笳
悲涼颯白雁思南渡懶意上高臺愁心寄短賦離黍過興
思兼葭泣寒露踟躕高厚難顧盼身世誤佳節與人同籬
菊瘦我顧賒酒陶潛窮插花杜牧暮三徑寄身微登臨何
處路山呼落帽風門掩催花雨囊萸笑長房佩蘭長壽慕
疎髮淡秋雲烟霞成疾痼持杯失所親何必久視駐忍事
卻災星安用登高護未得鶴林遊爽然思良晤聊寫南山
詞風兩慰人素

插秧

天愚山人詩集

卷三

古體詩

七

五木知五穀當春雨露生滿甯農正戒震渝資深耕隄土
順時宜布種聽鷓鴣望杏三葉殺瞻蒲穡事成豐草芻旣
盡黃茂吐新英剛看深以端畝亦沃以平老弱家盡起男
女力先爭親戚方時避田祖賽欲賡種陸分先後行列眉
目清下陰水不涸上陽日欲亨聚族謀及時諸務悉屏營
淺深隨手下手足習慣輕長欲相與居弱必孤特貞通中
疏冷風樹滋調陰晴農家終歲計縣官且罷征念茲胼胝
始尙多無力氓勸勤且警惰殷殷田鼓聲漫勞酒肉賜石
壕勿夜驚

讀劉文成賣柑者說

智士怪譽髦表裏不相倫外文金玉光內質敗絮縉欺世

名可盜不疑居是真託爲微妙詞援設賣柑人採摘什襲
裹徂冬涉三春久藏色不變晶瑩枝頭新市售價什倍見
者飲醪醕剖畫不可食乾枯燥脛辱外潤皮猶昔滋味已
久湮賓客盞盞笑宗廟難具陳闕然嗤賸賸冒昧享席珍
賣叟申辨說假非獨我身當途軒冕客孰是一德臣衣冠
鄂鞞鞞經緯罔知掄較之果實類不食更傷民其說亦已
著比擬何相親過情喜聲聞試讀勿生瞋

夕照菴

層岡阻重險迴巒藏深礪幽屏列嶂開丹氣彩霓曳遊展
竟忘時倦飛卷衣袂卽看夜光生猶然夕陽麗穿蹬踏輕
雲繡牆羅薜荔綺散晚霞紅光照林木翳歸飛鳥暮喧朝
天愚山人詩集卷三古體詩九
夕池溶滃晏暘非星辰掩映成睥睨卓錫收飛聲食鉢龍
定慧千峰烟光迎大海紫氣沚蒲團心不移月下門欲闕
烹茶渴難須石牀斜自憩五鼓暘谷微羲馭咸池噫謀生
旦暮窮猶想焚膏繼何似光頭飽餘輝弄晚砌

自正月至四月十四夜纔見月

百日不見月四序已無光樽酒對孤檠好花空斷腸難開
張笑口四顧若有喪星河沈華渚園林冷豔香今夕是何
夕天公豁久盲浮雲西北飛顧兔東南揚瓊樓金玉闕羽
衣素霓裳乍憶經年遊嶺頭望故鄉搔首仰天問向來何
處藏幾度南樓興絃管韻不颺素娥苦霜怨三春閉闔閭
忽然望舒御恍如蜀犬翔銀色三千里金波二七望持杯

驚對影懷人看屋梁蝦蟆躍新林七寶修斧斫明日看陰
晴天意未可量

賦得秋色偏欺客路中爲包惕三

久客亡歸計新增屐幾量周南何留滯燕越遙相望楊柳
昔依依雨雪今何狀寄言浮雲遊淹恤不知向代爲彈鋏
聲前人詞莫尙澄影動悲風霜辰冷帷帳清奏引邊笳黃
花瘦客况蒲柳質易零鴻雁五更吭故鄉豈不悲行道意
增快天高氣沈寥馬首多癘瘴聞笛山陽哀登樓荊州曠
知音流水微古道如欲喪今昔共一景興詞理非誑去子
川途遙旅魂驚秋壯搖落變物情蕭瑟添塵映勝景欲平
分奚囊句堪餉歸來勿滯淫無與金飈抗

天愚山人文集

卷三

古體詩

三

招鄭勝持不至稱往靈峰山寺未還

彥會思相資同人公榮索金玉有遐心杖頭何處屐欲作
隔山招已稱慈室客良夜意迢迢澄江一天碧快擬續佳
遊轉盼成宿昔四美二難併今夜誠何夕筵開北海樽酒
對南山咨芳醕戀物華肆筵設舊席觴聖擅劉伶醉侯鄭
虔關心賞誦知音龍光賁咫尺遲遲車馬聲上天鶴一隻
汗漫踏浪遊林遠稱莫逆留歡罄三瓶平原期踰格停杯
邀青雲一往邈轍迹想君故山秋酣涓捐香積醉眼炯雙
眸伽衛卽寄宅回首高陽徒誰能汝暫擲

答繆湘芷虞部

聞君讀書處故山花木秋小徑藥欄通松風海濤流檢方

資服食著書寫窮愁濠梁忘魚樂蝴蝶夢莊周白水契青
松黃花笑黑頭何必干木避已遂淵明求同人蕭齋會後
車教誨稠蔭竹漱清泉紅樹烏聲幽錢江濯歸足餘酣晚
汀收雁斷吳山夢敵絮荆棘遊天地自踟躕朝暮等蚍蜉
遙望西子津朱霞天半浮一棹雲外信兩地素心投清風
毫端抒落月屋梁悠驂騎乘彩雲洪崖肩並儔誰謂一室
遠唱和聯好迷

金原嬰進士松棚留客

留客松棚醉得月晚涼邀把瓊湛露溢懷蘭九畹苗故人
風動竹鶯聲花轉嬌剝啄門猶闌心已隔山招春風浴沂
水寓意在逍遙君本金門客暫旋風月挑憂民社稷計讀
天愚山人詩集卷三古體詩三

書仕路饒梅花開紙帳松風院落飄玳筵自東閣虛室白
光搖屋角顧兔滿中庭炎景消何心泉石賞庶幾塵壑超
迨暇酌我飲平生訂久要拍浮海螯佐歌塵梁燕驕懸想
束帶煩此日尙伸腰驪車已在道旨酒且簞瓢客醉抱琴
歸明日能再調東方不知白鳥音徒遠嘹

